



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0026005 24
Sarajevo, 01.12.2025. godine

SUD BOSNE I HERCEGOVINE
- Sudiji za prethodno saslušanje -
SARAJEVO

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, p o d i ž e m

OPTUŽNICU

Protiv:

Haris Spahić, rođen 1995. godine u Sarajevu, državljanin BiH.

što je:

Dana 21.08.2024. godine bez prethodnog dogovora, a s ciljem pribavljanja protivpravne imovinske koristi u njemu poznatom iznosu, u Ilidži, u blizini kampa Blažuj izvršio prihvrat pet (5) stranih državljana, svi državljani Turske, a radi se o licima „(...)“, „(...)“, „(...)“, „(...)“ i „(...)“, te ih smjestio u vozilo marke „Opel“ tip „Zafire“, crne boje, reg. oznaka ..., postupajući protivno članu 6. Protokola protiv krijumčarenja migranata, kopnenim, morskim i vazdušnim putem kojim se dopunjuje Konvencija UN protiv transnacionalnog organiziranog kriminala („Službeni glasnik BiH“ broj: 3/02) i članu 7. stav 2. Zakona o Graničnoj kontroli („Službeni glasnik BiH“ broj: 53/09, 54/10 i 47/14), iako je znao i bio svjestan da isti ne ispunjavaju uvjete za zakonit prelazak državne granice, usljed nedostatka putnih isprava sa važećim vizima, te dozvola za zakonit ulazak u zemlje Evropske Unije, odnosno da u tim državama

nemaju odobren boravak ili prebivalište, kako je to propisano članom 8. stav 1. Zakona o strancima („Sl. Glasnik BiH“, broj: 88/15 i 24/21), te ista lica, među kojima i troje djece, povezao prema državnoj granici između BiH i Republike Hrvatske da bi od strane pripadnika Granične policije BiH navedeno vozilo bilo zaustavljeno na sektoru A2, lokacija Topala, općina Posušje, a iz vozila istrčala su gore navedena lica, te su isti nakon sakrivanja u obližnjoj šumi pronađeni od strane Granične policije BiH i zajedno sa vozačem privedeni u GP BiH – PGP Gorica.

***Dakle,** s ciljem sticanja protivpravne imovinske koristi učestvovao u pokušaju nedozvoljenog prevođenja preko državne granice više lica turskih državljana, među kojima i troje djece,*

***Čime bi** počinio krivično djelo Krijumčarenje ljudi iz člana iz čl. 189. stav 4. u vezi sa stavom 1. KZ BiH, a sve u vezi sa članom 26. istog Zakona.*

TUŽILAC
TUŽILAŠTVA/TUŽITELJSTVA BiH